

門常開：政府歧視非我族類

讚好 0



A A



有人許願來生不做中國人，更有人話歡迎當局即刻註銷佢嘅中國國籍。不過對於一批居港嘅少數族裔人士嚟講，一個中國國籍、一本特區護照，係佢哋夢寐以求嘅身份認同，佢哋批評回歸後嘅特區政府，一直拒絕佢哋申請入籍，歧視深膚色族群。

巴基斯坦裔嘅簡浩名係土生土長香港人，今年50歲嘅佢兩次申請歸化中國籍，但都唔成功，入境處職員更婉拒收佢嘅申請表，「叫我慳返1,500蚊申請費，話我有近親係中國人，一定唔會批」。最令簡浩名氣憤嘅係，回歸後白人可以繼續加入政府，但深膚色族群就有機會，「點解盛智文同司馬文就可以入籍，我哋就唔得？」

拒收申請表格

簡浩名父親1915年來港，一家人在港紮根近百年，「我哋都有身份證，但就入唔到中國籍，拎唔到特區護照，咁我出國仲受唔受香港政府保護？」簡浩名亦因此無辦法參選立法會議員，「呢個係一個政治權利，咁樣對我好唔公平」。

簡浩名話97前從來唔覺得有歧視，但97後就覺得政府有心將少數族裔邊緣化，「如果我口家唔出嚟爭取，我擔心將來我哋嘅下一代，係咪會俾人踢走？」

融樂會總幹事王惠芬話，入境處對膚色深族群有「隱形歧視」，非洲同南亞裔人士想申請入籍會被嚴謹對待，形容「好唔公道」。佢又批評入境處最近變本加厲，連申請表格都唔收，刻意降低拒絕申請數字。

根據現行制度，入境處拒絕入籍申請，毋須解釋原因，亦不設上訴機制，王惠芬話正考慮提出司法覆核，逼使當局解釋拒絕理由，明年3月佢又會去到聯合國控訴特區政府歧視少數族裔人士。融樂會連同約20名少數族裔人士，嗰日去到立法會外示威，要求議員同官員關注。公民黨立法會議員毛孟靜質問政府，點解對少數族裔居民申請入籍諸多留難，保安局局長黎棟國就話從來都一視同仁，入境處自1997年至今年11月共收到15,500多宗入籍申請，有12,600多宗獲批，包括印巴裔申請人。黎棟國話無論申請人係邊個，都係用「同一把尺」嚟處理啲。

吳爽



簡浩名指香港政府拒發特區護照，對他和他的家族不公，是印民揭